

建置

粵寇發難盜江甯爲窟穴凡祠廟衙署堤堰橋梁之屬舉燬夷之無留遺文正曾公剏滌穢亂掃地立郡邑躬節儉爲寮屬倡一時監護匠作者心大臣心權緩急爲先後興廢升墜各有矩矱其後居其職者或患狹隘不能容廣續修繕甚者出私橐就隙地稍稍增舍宇而外縣之待舉者猶眾也今刪其已見祠祀學校各類者而條舉興造年月俾來者無忘鑿鼓版築之勤云作續建置

萬壽宮舊在府治柏川橋東廠今地移建中正街同治十二年造宮門大殿朝房方亭左右角門下馬牌磚牌坊二座石牌坊一座儀仗器具百七十件俱如制外縣待建權就潔地祝釐焉

雨花臺

永濟寺

燕子磯

北極閣各

御碑亭同治中

俱修葺如制

城垣

江甯府城明初都城也故周九十六里有門十三垛口萬六千奇

南面之東曰正陽門

本洪武門

迤西曰通濟門正南曰聚寶門南門也

城外古長干枕雨花山道光中知縣傅璋修城闕有碑記同治三

年夏浙撫威毅伯曾公國荃營城外鳳臺山復城後駐節城樓建

屋臨下光緒元年三年再修南之西曰三山門俗曰水西門矮城

也光緒四年重造城券二道有碑記又西曰石城門俗曰旱西門

再西斜出曰清涼門

卽清江門

昔有船廠其內清涼山倚城垣今塞至

西曰定淮門枕古石頭城道光二十二年塞西北曰儀鳳門外瀕

江許省垣要津也折而東曰鍾阜門踞盧龍山岡今塞又折而東

東有大壯觀山光緒三年重造甕城並城牆營房又東曰太平門
外卽元武湖同治三年六月十六日賊造地保城於鍾山之陰提
督李臣典穴此門以入遂復省城缺口旋堵築總督曾文正公有
碑記折而南爲省正東曰朝陽門外依鍾山及前湖同治四年於
城券外增建方越城於是折而西至正陽門其各門墻垣復城後
閒補葺之今須修整其外郭門久圯今日土城頭高阜絡繹而已
駐防城明故宮也起太平門東包朝陽門南至正陽門通濟門省
垣也其西面西華門一帶咸豐閒燬於賊明之北安西華
西長安諸門也

句容縣城光緒中知縣袁照捐廉重建東西門城樓

溧水縣城

尙未大修葺

江浦縣城凡五門東曰朝宗南曰鍾奇西曰霽和北曰拱極東南

曰敦艮道光二十六年重修咸豐中樓櫓多圯毀未復 浦子口
城凡七門曰攀龍曰廣儲曰金湯曰附鳳曰朝宗曰拱極曰萬峯
嘉慶戊寅知縣王頰重修上元管同有記咸豐中屢經兵燹漸就
傾圯 中敵臺在浦口城南門光緒二年重修
六合縣城咸豐初知縣溫紹源捐修光緒三年知縣謝延庚詳准
撥款重建大東大南大北小北四門城樓及小東門墻垣城河橋
一道

高淳縣舊無城設關防門七正東曰賓陽南曰迎薰西曰留暉北
曰拱極東南曰安瀾西南曰襟湖東北曰通賢道光二十七年水
災圯光緒五年知縣楊福鼎諭邑人捐建又增建四門曰青龍曰
久大曰臨渡關曰凌雲

治十一年重建

神祇壇在府治雙橋門外同治十一年重建

先農壇在府治通濟門外同治十一年因舊址重建

江甯府學文廟舊在府治北明國子監今改建冶城山陽朝天宮
道院故址同治四年署總督李公鴻章飭江甯府知府涂宗瀛監
造者大成殿東西兩廡戟門神庫官廳櫺星門六年總督曾文正
公飭道員桂嵩慶續造者崇聖殿宮牆泮池牌坊府學頭門照壁
明倫堂四齋尊經閣教授訓導署並製祭器規模閎敞甲於東南
曾文正有碑記八年重修宮牆光緒元年製樂舞棚名宦鄉賢
忠義孝悌三祠同時俱建在尊經閣後倉聖祠舊在南門外地
光緒三年以府學飛雲閣改建十三祠新建在府學顧亭林

先生祠同治十三年就府學東偏樓屋改造

上元江甯縣學文廟舊在府治東南秦淮上本明應天府學址同治九年總督馬端敏公飭道員桂嵩慶監造凡大成殿東西兩廡戟門官廳櫺星門天下文樞坊宮牆泮池石欄杆崇聖殿尊經閣明德堂東南第一學坊四齋教諭訓導署青雲樓奎星亭泮宮坊佟公桃李亭方亭製祭器光緒間兩次修之名宦祠鄉賢祠在縣學右忠義孝弟祠明衡府紀善周公祠賢良祠在縣學左俱同治九年重建豫章陳公祠在文德橋南光緒元年重建

文昌廟在府治西華門三条巷同治十二年因舊址重建

武廟舊在欽天山今圯同治八年移雞鳴山下府學舊址改建

龍神廟同治六年總督曾文正公於朝陽門外靈谷寺祈雨應占

遂建廟以祀有碑記在錢厰橋西係官祭今圯

祈澤寺原名嘉惠寺在高橋門外光緒五年因舊址重建祈雨也

湖神廟在太平門外元武湖中同治十一年因舊址重建

火神廟舊在府治東北八蜡廟舊在府治南門外二廟均圯今

移府治中正街同治八年改建

府城隍廟在府署前同治十三年因舊址重建

古城隍廟在漢西門大街同治間重建宋城西門也

蔣帝廟在太平門外鍾山之陰同治間重建

卞公祠在治山西麓同治間重修

顏魯公祠在石城北烏龍潭後同治間修路旁舊有顏魯公放生

古道礮石門額董其昌書今移於祠前

一拂清忠祠在清涼山麓已圯光緒三年因舊址重建

大程子祠在下江考棚西首同治四年修知府涂宗瀛有碑記

三忠祠在南門外已圯同治十二年因舊址重建

方正學先生祠在南門外雨花山木末亭旁圯同治十一年祠亭

重建並先修方公墓

李伯相立石表之

景公祠在緘庄同治間重建

汪文毅公祠在龍蟠里同治八年修知府涂宗瀛有碑記

黃公祠在利涉橋左同治間重建

其西卽鄭試年貢院中路點名大道也

丁清惠公祠在奇望街同治間重修

倪公祠在冶山西南同治八年重修知府涂宗瀛有碑記 以上

皆舊祠之僅存者

祥忠勇公祠在府治北欽天山下同治十二年建祀江甯將軍祥

厚附祀江甯布政使祁文節公祠藻

公塤縣丞黃大受呈繳捐款銀三百餘兩
由上元縣置產取息爲祠中祭祀之資

向二忠武公祠在府治南金沙井同治閒以故廟改建合祀提督

向榮張國樑有碑記

李忠壯公祠在南門外雨花山祀總兵李臣典同治閒舊部吉中

等營捐建

曾靖毅公祠在殷高巷孝順里祀按察使銜知府曾貞幹同治閒

臬司黃潤昌捐建

曾文正公祠在龍蟠里祀總督曾國藩同治十一年建有碑記是

年士民捐資於漢西門外建民不能忘石碑坊一座

奏明有案

馬端敏公祠在龍蟠里同治十二年建祀總督馬新貽

沈文肅公祠在龍蟠里光緒六年建祀總督沈葆楨

以上專祠皆奉旨者

上元節孝祠舊在府治北雞籠山下有石總坊均圯同治九年改建於龍蟠里南妙音庵址坊尙未建

江甯節孝祠在南門外雨花山同治九年因舊址重建石坊尙存
昭忠祠在府治北雞籠山下同治七年建總祠凡四一楚軍陸師
昭忠祠一楚軍水師昭忠祠一金陵官紳昭忠祠一金陵貞烈祠
八年侍郎彭玉麟捐建祠旁園亭

並置果子行大街市房二所買弓箭坊基地建屋取息爲香火

之資詳
咨有案

半山寺在朝陽門內本謝公墩舊址同治九年重建

妙相庵在府治北薛家巷道光閒總督陶文毅公捐廉增建亭臺
樓閣爲屈子祠亂後屋宇均存今爲主考下車行館鄉試年官爲
修之

劍池道院在朝天宮旁同治中建以處朝天宮羽流者

因其舊地
改建府學

甘露庵在府東大街今傳相李公鴻章以昔鄉試寓此題詩於壁
亂後庵毀同治五年重建

毘盧庵在督署東南隅光緒六年官修

天喜長生祠在東花園琵琶巷同治六年總督曾文正公重建

華嚴庵在水西門外莫愁湖濱道光中邑人姚君廣之咸豐中賊

毀同治十年因舊址重建

鼓樓上有大碑高出山椒同治四年合肥張紹棠捐修按二氏祠

收以上所錄皆官爲興修故附錄於諸祠後

句容縣

厲壇在縣治東北郊同治中建屋一間

文廟同治十二年因原址重建光緒六年落成大成殿戟門

櫺星門泮池宮牆牌坊俱還舊制惟明倫堂未建 名宦祠在學

左 鄉賢祠在學右均同治十二年建有碑記

武廟未建借葛仙庵致祭

文昌廟未建借城內華陽書院致祭

龍神廟在華山光緒六年知縣袁照捐建大殿三間華山舊有龍

旱禱雨有應酬神既也

八蜡廟在縣治西門外同治間建

城隍廟未建借四賢祠致祭

昭忠祠在縣治土橋同治間民曹秉衡妾孀婦朱氏捐建

溧水縣

文廟在縣治小東門同治十二年因舊址重建先是十年教諭章驥率諸生稟縣詳准復建計造大成殿東西兩廡無戟門櫺星門至

光緒三年落成崇聖殿明倫堂未建

武廟舊在縣治城外圯同治閒移建於大東門內

火神廟舊在縣治小東門同治八年因舊址重建

城隍廟舊在縣治通濟街同治閒移建於大東門內

江浦縣志

文廟在縣治東嘉慶十七年知縣丁猷駿道光十八年知縣鄧夢

鯉先後重修咸豐八年毀今借文昌殿行禮議建未舉

名宦祠 鄉賢祠 忠義孝弟祠在學內今圯

節孝祠在縣署影壁大街咸豐中毀同治十二年邑人捐建祠屋

三楹

城隍廟在縣治西門內兵燹後正殿僅存

昭忠祠在縣治敦艮門內同治四年奉 旨江甯將軍富明阿捐

建

六合縣

文廟舊在縣治小東門外道光元年改建於西門高岡咸豐八年

毀同治十二年因舊址重建

其規模悉如舊制惟拓廟後餘地建明倫堂以堂之舊址建崇聖殿齋房

泮池舊在櫺星門外水有時涸因購街南民地濬爲池環以宮牆其地有古井三如品形因以鑿池而水得常清廟後有文昌閣亦

新修光緒五年
換奎樓磁頂

名宦祠 鄉賢祠均同治八年建

先農壇

八蜡廟附建於城隍殿西

龍王廟凡四一在縣治龍池東岸同治閒知縣張振鐙重建一在

縣治治浦橋東現移建於小東門外河口其馬頭山靈巖山二廟

未建

白龍王廟在縣治南同治間重建

昭忠祠在縣治集善堂後同治三年建

忠孝節義祠舊在東門外同治七年改建於西門八佛庵址

並捐置南

街市房一所取租作歲修之資

高淳縣

文廟在縣治通賢門外先是嘉慶四年興修派七鄉分任崇教鄉修大成殿游山立信二鄉修明倫堂安興鄉修兩廡永豐鄉修櫺星門永成鄉修尊經閣唐昌鄉修戟門其餘房屋亦勻派任修嗣歷次加修亦係七鄉分任立有碑記咸豐間廟毀同治八年知縣張金荃集七鄉紳士勸捐因舊址重建並添撥公款助役名宦祠在戟門左鄉賢祠在戟門右忠義孝弟祠在戟門左武廟舊在縣治北門內已圯同治年間移建於正街中

文昌宮在文廟右同治四年建

劉猛將軍廟在縣治東門外光緒五年重建

大王廟在縣治襟湖門外口口年間捐建

龍王廟在縣治西門同治八年建

湖神廟在縣治固城湖口同治八年知縣楊福鼎捐建

城隍廟在縣治察院西同治八年知縣楊福鼎捐建

許公祠在縣學明倫堂左同治八年建祀知縣許心源

遺愛祠在賓陽門外光緒五年捐建

陵墓

明太祖陵在府治朝陽門外鍾山之陽道光中修之同治十二年

修建守陵房屋三間安設柵欄以禁樵牧

晉卞忠貞公墓在府治治城山西同治十年修之光緒中重修祠

明徐中山王達墓同治六年江甯藩司孫衣言捐資發署上元縣程遵道修整墓門石坊重立舊碑

方正學先生墓在雨花臺山同治十一年砌碎石修之

光緒中有黃州土人

覓杜茶村墓者或言在揚州或言在太平門外無碑碣不可辨而宣城詩人沈崑銅墓在雨花山葆光寺路旁有小石碣附志之

署廨

江甯將軍署在駐防城內

江甯副都統署在將軍署東南均同

治十一年因原址重建

旂營官署兵房均在駐防城內同治六

年建前鋒兵房五百間八年建前鋒領催兵房四十六所所四間

共一百八十四間馬甲兵房二百七十二所所三間共七百四十

六間佐領官署一所二十二間九年建協領官署二所所三十二

間共六十四間佐領官署六所所三十二間共一百三十二間防